



**Tadbirkorlikni rivojlantirish kompaniyasi AJ kichik va o'rta tadbirkorlik subyektlariga qarz
moliyaviy yordamini taqdim etish yuzasidan 2025-yilning
birinchi ochiq tanlovini
E'LON QILADI**

Moliyalashtirish manbasi nomi:	Kompaniya mablag'lari
E'lon turi:	Ochiq tanlov
E'lon qilingan sana:	2025-yil 21-yanvar
Loyiha anketasini taqdim etish oxirgi sanasi:	2025-yil 1-fevral
Loyiha anketasini yuborish uchun E-mail:	debtedcom@gmail.com

I. Qarz moliyaviy yordami:

Ushbu moliyaviy yordam O'zbekiston Respublikasi Prezidentining 2023-yil 10-noyabrdagi PF-193-son Farmonga muvofiq ishlab chiqilib hamda Tadbirkorlikni rivojlantirish kompaniyasi aksiyadorlik jamiyati (keyingi o'rinlarda-Kompaniya) Kuzatuv kengashi tomonidan tasdiqlangan nizomga asosan Kompaniya tomonidan taqdim etiladi.

Qarz moliyaviy yordami - bir taraf (Kompaniya) ikkinchi taraf (Loyiha tashabbuskori)ning topshirig'iga binoan belgilangan maqsadlar va muddatlarda foydalanish uchun nazarda tutilgan xaridlarni amalga oshirishga zarur bo'ladigan mablag'larni yillik foiz ustamasi bilan Kompaniyaga qaytarish grafigiga muvofiq to'lash orqali qaytarish sharti bilan maqbul Loyiha tashabbuskorining talab qilib olinguncha hisobvarag'iga o'tkazib berishni nazarda tutadigan munosabatlarining alohida turi hisoblanadi.

Ushbu yordam bo'yicha quyidagi havolada tanishib chiqishingiz mumkin:

<https://edcom.uz/uz/support/debt/>

II. Moliyaviy yordam haqida ma'lumot:

Ushbu moliyaviy yordam ishlab chiqarish, xizmat ko'rsatish, qurilish, yuk va yo'lovchi tashish, turizm, qishloq xo'jaligi mahsulotlarini saqlash, qayta ishlash va qadoqlash tarmoqlari, go'sht va tuxum yetishtirish yo'nalishi bo'yicha ko'chmas mulk, asbob-uskunalar hamda xom-ashyolarni sotib olishni ko'zda tutadi.

Moliyaviy yordam — loyiha qiymatining 70 foizigacha yoki:

- faoliyatiga 2 yil bo'lgan, yillik daromadi 6 mlrd so'mdan yuqori bo'lgan va murojaat sanasida kamida 15 ta ish o'rni mavjud bo'lgan kichik tadbirkorlik subyektlariga **5 mlrd so'mgacha**;
- faoliyatiga 2 yil bo'lgan, murojaat sanasida kamida 25 ta ish o'rni mavjud bo'lgan o'rta tadbirkorlik subyektlariga **5 mlrd so'mgacha**;
- faoliyatiga 2 yil bo'lgan, murojaat sanasida kamida 35 ta ish o'rni mavjud bo'lgan o'rta tadbirkorlik subyektlariga **10 mlrd so'mgacha**;
- faoliyatiga 2 yil bo'lgan, murojaat sanasida kamida 50 ta ish o'rni mavjud bo'lgan hamda yillik daromadi 50 mlrd so'mdan yuqori bo'lgan o'rta tadbirkorlik subyektlariga **20 mlrd so'mdan** ortiq bo'lmagan miqdorda;



Kompaniya tomonidan qarz mablag'lari bo'yicha to'lovlar shartnomaga ilova qilingan loyiha bo'yicha xarid shartnomasida ko'zda tutilgan shaklda va muddatlarda tegishli xaridlarni amalga oshirish uchun Loyiha tashabbuskorining talab qilib olinguncha asosiy hisobvarag'iga o'tkazib berish orqali taqdim etiladi.

Moliyaviy yordam milliy valyutada ajratiladi.

Moliyaviy yordam taqdim etish muddati:

- ko'chmas mulk sotib olish uchun 84 oygacha;
- asbob-uskuna sotib olish uchun 60 oygacha;
- aylanma mablag'larini to'ldirish uchun 18 oygacha, shuningdek, faoliyati turi va xususiyatidan kelib chiqqan holda 36 oydan oshmagan muddatga har 12 oyda qarzдорlikni (yoki transhni) to'liq yopish sharti bilan taqdim etiladi.

Qarz moliyaviy yordami foiz stavkasi – **17,5 foiz**.

Moliyaviy yordamdan foydalanganlik uchun vositachilik haqi – moliyaviy yordam summasining **1 (bir) foiz** miqdorida belgilanadi.

III. Maqsadli loyiha yo'nalishi:

Qarz moliyaviy yordamini taqdim etish tartibi to'g'risidagi nizomda (4-ilova) qarz moliyaviy yordami taqdim etilmaydigan tadbirkorlik yo'nalishlaridan tashqari barcha yo'nalishlar.

IV. Moliyaviy yordam taqdim etiladigan hudud:

Respublikaning barcha hududlari.

V. Loyiha tashabbuskorlariga qo'yiladigan talablar:

- yomon kredit tarixiga ega bo'lmasligi (kredit tarixi "Kredit-axborot tahliliy markazi" kredit byurosi ma'lumotnomasi bo'yicha C (o'rta) va undan yuqori reytingga ega bo'lishi; oxirgi 2 yilda sud jarayoniga o'tgan kredit qarzдорliklari vujudga kelmagan bo'lishi; hisobdan chiqarilgan kredit qarzдорliklari mavjud bo'lmasligi; oxirgi 2 yilda muddati o'tgan kredit qarzдорliklari 30 kundan 60 kungacha 3 yoki undan ortiq marta kechiktirib to'lanmagan bo'lishi; oxirgi 2 yilda muddati o'tgan kredit qarzдорliklari 60 kundan 90 kungacha 2 yoki undan ortiq marta kechiktirib to'lanmagan bo'lishi; oxirgi 2 yilda muddati o'tgan qarzдорliklari 90 kundan oshgan bo'lmasligi);
- budget oldida muddati o'tgan qarzдорliklari mavjud bo'lmasligi, tugatish jarayonida va bankrotlik ishi qozg'atilmagan bo'lishi hamda korxona oxirgi ikki yilda zarar bilan faoliyat yuritayotgan bo'lmasligi;
- 2-son kartoteka va budget oldida muddati o'tgan qarzдорliklari mavjud bo'lmasligi;
- kredit va unga tenglashtirilgan operatsiyalar bo'yicha muddati o'tgan qarzдорliklari mavjud bo'lmasligi;
- Loyiha tashabbuskorining loyihadagi ulushi 30 foizdan kam bo'lmasligi;
- yillik daromadi kichik va o'rta tadbirkorlik subyektlari uchun kamida 6 mlrd so'm bo'lishi;
- yigirma to'rt oydan ortiq faoliyat yuritayotgan hamda murojaat sanasida yigirma besh



nafar kishini doimiy ish bilan ta'minlagan o'rta tadbirkorlik subyektiga yoki murojaat sanasida o'n besh nafar kishini doimiy ish bilan ta'minlagan kichik tadbirkorlik subyektiga mansub bo'lishi lozim.

VI. Qarz ta'minotiga qo'yiladigan talablar:

Qarz moliyaviy yordami ajratilishi uchun yordam miqdorining kamida 125% miqdoridagi ta'minot talab etiladi.

VII. Loyiha tashabbuskorining anketalarini baholanishi:

Loyiha anketasi tasdiqlangan kichik yoki o'rta tadbirkorga xabar yuboriladi (rasmiy sayt orqali ham ma'lum qilinadi) va ulardan to'liq loyiha arizasini, biznes-rejalari hamda boshqa hujjatlarni taqdim etishlari so'raladi.

Amaldagi qonunchilik va ko'rsatmalarga muvofiq barcha talab etiladigan arizalar, hujjatlar va ma'lumotlarni quyida ko'rsatilgan mezonlarga ko'ra baholash uchun tanlab oladi.

VIII. Ustuvorlik beriladigan loyihalar:

- yangi ish o'rinlarini yaratish soni;
- loyihaning samaradorligi (rentabelligi);
- ishchi xodimlarning mehnatiga haq to'lash miqdorlari nisbatan yuqoriligi;
- qo'shimcha qiymat yaratilishining yuqoriligi;
- yashil va energiya tejovchi texnologiyalarni joriy etish nazarda tutilgan loyihalarga ustunlik beriladi.

IX. Quyidagi loyihalar moliyalashtirilmaydi:

Qimorxona va billiardxonalar, alkogol va tamaki mahsulotlari ishlab chiqarish va (yoki) ular savdosini tashkil etish uchun talab etiladigan bino va uskunalari;

Ulgurji savdo, umumiy ovqatlanish hamda alohida tashkil etiladigan avtomobillarga yonilg'i quyish shoxobchalari bino va uskunalari (bundan savdo va servis, yo'l bo'yi infratuzilma obyektlari, jumladan kompleks tarkibida avtomobillarga yonilg'i quyish hamda savdo shoxobchalari faoliyatini tashkil etish, "yashil" texnologiyalarni, jumladan elektromobillarni quvvatlantirishda foydalaniladigan bino va uskunalari mustasno);

Transport vositalari sotib olish (bundan yuk tashish xizmati faoliyati, qurilish faoliyati uchun maxsus texnikalar hamda turizm faoliyati avtobus va mikroavtobuslar mustasno);

Qishloq xo'jaligi yo'nalishida amalga oshiriladigan loyihalar (bundan go'sht va tuxum yo'nalishi, qishloq xo'jaligi mahsulotlarini saqlash, qayta ishlash va qadoqlashda foydalaniladigan bino va uskunalari mustasno).

Yuqoridagi moliyaviy yordamdan foydalanish istagida bo'lgan tadbirkorlik subyektlari 10 (o'n) ish kuni davomida ilovadagi Anketa ma'lumotlarini debtedcom@gmail.com pochta manziliga taqdim etishlari mumkin.

Qo'shimcha ma'lumotlar uchun telefon raqami **+99871-205-57-57**